

آبونه شرائطی

ممالك عثمانیه ده سنه لکی (۶۵) ، الق
آیانی (۳۵) غروشدور .
ممالك اجنبیه ده سنه لکی (۱۷۱) ، الق
آیانی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مملکته موافق آثار مع الممنونیه قبول
اولنور . درج ایدله بن یاریلر اعاده
اولونماز .

الکشاف

۱۳۳۰

اخطارات

رساله خزده آلمدیغی کو-تولک شرطیله
بتون یاریلر هر هانکی بر خزنه طرفندن
اقتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسی محتوی
بولومسی لازمدور .

§

ممالك اجنبیه ایچون آبونه اولامرک
آدرسلیرشک فرانسوزجه ده یازلمسی دجا
اولنور .

§

پاره کوندرلدیکی زمان نه یه دائر اولدیغیک
واضعا ییلدیلمسی دجا اولنور .

دینی ، فلسفی ، علمی ، ادبی ، سیاسی هفته لک مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ع . اشرف ادیب

اتبعون اهدکم سبیل الرشاد

عدد ۲۵۸

۱۸ رمضان شریف ۱۳۳۱

پنجشنبه

۸ اغستوس ۱۳۲۹

جلد ۱۰

(اونلرک وظیفه‌لری آیری) بردانه‌سی، عسکرک مسائل دینه‌سنی حله، فصله مأمور. ایکنجیسی طابور واعظی. بونکده وظیفه‌سی یکریمی درت ساعته بردفعه - ضابطان باشده اولدینی حالده - بتون طابوره ارشادات، تلقینات. هر آلایکده بویوک برپایسی، رئیس دینیسی وار. بازارکونی هرزده اولورسه اولسون آلائی تشکیل ایدن طابور افرادینه صلیبی اوپدیرمک، صلیب آلتنده اولمک فکری ویرمک، وطنلری چکنه تمه‌مک، اشغال ایتدکری محلرده اعلا ایتدکری صلیبی الی الابد محافظه عهد ویمان ایتدیرمک.

ایشته دشمن حکومتلرینک باطل و عاقل دینلرندن ظاهرده ایتد- کری استفاده. ایشته هپسی دینسز، ایمانسز اولدق‌لری حالده خلقه متدین کورونمک صورتیه الله ایتدکری فائده.

بزدهده بتون افراد ملتی هر صورتله ایفاظ ایده‌جک اسباب وعواملک هریرده، بالخاصه اردوده تکمل ایتسی صوک درجه الزمدر. رمضان مناسبتیه استانبولده جوامع مبارکده علمای کرام بووظیفه‌ی ایفایه چالیشیورلر. همده سنین سابقه‌دن ده‌جادی، ده‌اساسی، ده‌اشمولی برصورتده اوغراشیورلر، فکر وطن پرورانه‌ی نشر و اشاعه ایدیورلر. تشکر اولنور. فقط ینه آزددر. احتیاجز بوهمترک فوقنده در.

بن بونی اک زیاده اردوده، طابورده، بلوکرده کورمک ایسترم. کرچه استانبول و طشره علمای محاربه حاضرده بووظیفه‌ی ده ایفایه چالیشمشر، عسکر آراسنه کیرمشر، ارشاد ایتمشر؛ وطن، ملت دوینولری بردرجه‌یه قدر یرلشدیرمکه اوغراشمشر. فقط ینه اردویه کیدن کلن خواجه افندیلر بزه حکایه بیوریورلرکه عسکر، بونک فوقنده، ارشادات دینه و فکریه‌یه جدأ محتاجدر. بویله اوچ کونلک، بش کونلک موقت تدبیرلر کافی کلپور.

بونلر عسکر اولمازدن اول مملکتلرنده ارشاد اولونمالی. عسکر اولونجه، طابوره کیرنجه طابورده بوله‌جنی آدم عقلی خوجه‌لرله اونلرک تلقینات دینه و وطنیه‌لری تکمل ایتلیدر.

معذور کوروکز، یالکز نفرچکلر دکل، ضابطلر مزکده برچوخی بوکا محتاج. اولورده برمسلمانه، سفر برحالنده بولونان برضابطه بیلمنسی لازم کلن احکام شرعیه‌ی بیلمیورلر. ایشته سزه برمثال:

ضابط احتلام اولیور. هوا صغوق. حمام یوق. خسته اوله‌جیم دییور، اغتسال ایتیور. کرک دین، کرک صحت نقطه‌سندن برباد، مردار برحیات یاشایور. بونی کورن، ضابطنک ایکی آی اغتسال ایتدیکنی بیلن نفرچکلرک ضابطنه، آمرینه قارشی مربوطیت دینه و معنویه‌سی باشقه لاشیور.

اوتده عسکرچکلر مزه صو اقتضا ایدیور. اوتیمزله نمندن، هیچ

تسخیریه‌ی حار و برآیت کریمه‌نک تفسیری اعتباریه عادتاً مرتبه قدسینه نائل اولان بویله برشعر اعلی حکمتک ناظم محترمی ایچون اکصیمی، اک جدی تبریکات وجدانیه، آنجق وطنک فیوض آتیه‌سنی ینه بوقدر عالی، فقط بونک کریان اولدوغی قدر خندان برمنظومه ابداع ایده‌رک تصویره موفق اولماسی تمیاتیله ایفا ایدیله بیلیر.

علی اکرم

مَقَالَات

ملت ارشاده محتاجدر

اوت، ملت اسلامیة حقیقة ارشاده محتاجدر. مسلمانلرک هر زمان، هریرده دوچار اولدق‌لری فلاکتلرک اک برنجی سائق، عاملی؛ وظیفه دینه و ملیه‌لری لایق‌له بیلیمه‌ملری؛ بوخصوصده کندیلری شاهراه سلامتیه ایصاله کافی مسائلی تلقین ایده‌جک مرشدلردن، مربیلردن محروم بولونمالیدر.

بالقائل محاربه مشومه‌سنده دوچار اولدیغمز مغلوبیتلرده، فلاکتلرده دینسزک بیوک ومهم بر موقع اشغال ایتمش، دشمنلر مزایسه منسوخ و بناء علیه باطل بردینه منسوب اولملریله برابر عسکرلرینه، اهالیسنه قارشی متدین، همده فوق‌العاده متدین کورونمک، کلیسا حیاته بیوک بر مربوطیت کوسترمک، اک کوچوک برضابطندن تا اردو قوماندانه، حتی پرنسارینه، قرالرینه وارنجه‌یه قدر رؤسای روحانیلرینه علی‌ملاء الناس - احتمالک ظاهری - احترامکار بولونمق صورتیه اهالیده بیوک بر ارتباط دینی و ملی تأمین ایتمشر؛ بوندن ده جدأ پک زیاده استفاده ایشلردر. بونی کوزمزه کوردک.

حریفلرده وطن حسی، ملیت دوینغوسی کوکله شمش، کوکله‌شد. یرلش. اک عادی بر بلنارک ملیته کوچک بر تعریضک - تعرضک دکل - اطرافنده؛ بتون بر مملکت خلقی اجتماع ایدر، اونی رد ایدر، ازاله ایدر، تمیزلر. او؛ اونی رد ایتمه‌دن راحت ایتز و ایتدیرمز. بز هممز، خاطرکز قالماسین، «اوردوم آلدیرماز»

اونلرک سرآمدانی ملیت حسیله، ظفر امیدیه منافع سیاسیله بر برینه قطعاً بکره‌مه‌ین درت دولتی، درت دولت اهالیسنی صلیب آلتنده برلشدیردکری حالده بز بردینه، بر دولته منسوب مسلمانلری دینمزک امرلرینه رغماً، بر هلال آلتنده اجتماع ایتدیرمه‌مدک. آزالدی‌که حضرت فاتح استانبولی فتح ایتدیکی کون نه‌حالده بولدی ایسه دشمنلر مزه‌ده بزى او حالده بوله‌جقدردی.

بالقائللرک، بالخاصه کوزمزه کوردیکمز بلغارلرک هر طابورنده ایکشر دانه پایاس وار ایدی. سیار و ثابت خسته‌خانه‌لرده کیلرده باشقه.

برشیدن خبر کورمیه جگنی، اللهنه عاصی اوله جغنی ایشتمش بلله مش. هوا صغوق. اودون یوق. ینه دایانامیور. صوباشنه، چشمه دیننه، دره یه قوشیور، یاخود آرقداشلردن الدینی دها ایکی ماطارانی کندیسنک کی ایله برلشدیره رک چادرک آرقه سنه کچیور. صودو کییور. مکمل بردیزانتری یه یا قالانیور، کییدیور (بوندن ازدونک ضایعاتی مهمدر)

شمدی اوطا بورده برمرشد اولسه، آدم عقلی برالای مفتیسی، حتی کندیخی بیلیر برطابور امامی بولونسه ده اوضابطه، اونفراته اکلانسه که: شریعت اسلامییه بوبابده پک مساعده کاردر. ذاتاً هیچ بر صورتله مشکلات ایله آمر دکدر.

نه بر ضابطک غسلسر کز مسنه، نه ده بر عسکرک صغوقدن ترک حیات ایتمسه راضیدر. بوکی خصوصاتی نظر دقتدن اوزاق طوتمایان اسلامیت تیم ایتمکی توصیه ایدیور. تیمدن مقصد مسلمانلره مشکل زمانلرده، سفرلرده، غربتلرده زحمت چکدرمه مکدر. بوسایه ده نه اوضابط غسلسر، آبدستسر، یمنسز، برکتسر کز مش اولور، نه ده اوزواللی عسکر، شریعتک احکامندن استفاده یولی بیلمدیکندن جهالته قربان اولور.

بوبابده حکومتک کمال اهمیتله نظر دقتی جلب ایلم. ذاتاً محاربه حاضرده بیوک ضرر لر ایچنده کیزله تمش پک مهم کارلر واردر. بونلر «عبرت» کله سیله تعیر اولونه بیایر. بونلردن آتی ایچون استفاده ایدرسه ک، استفاده ایتمه نک یوانی بیلیرسه ک ضرر ایچنده کار بولش اولورز. مفتی زاده

م. اسعد

فکات ایتمک

مخبرین مخصوصه منک مکتوبلری :

آوردیا مکتوبلری :

۳

پارس، جنوره، اویان، مونترو، لوزان

پارس میانی :

مدنیت حیاتی دنیان او دغدغه یه آلیشمدیغدنمی درنه دندریلم، پارسدن، پارسک او ولوله تناهی ناپذیرندن بر درلو خوشالانه مدم. بو اعترافدن طولانی احتمال که حاقمه حکم ایدنلر بولنور. انلر حکملرنده حر اولدقلری کی، بنده تقدیرمه حرم. پارس او یله بر مملکت که کیسه نک کیسه دن خبری یوق. اوراده کی انسانلر جسم بر ما کیته نک اجزای مختلفه سی کی دائماً متحرک. بکا او یله کلیور که فعالیت مدنیه دینلن او سبیل عظیمک سوق جوشا جوشنه قایلان قفالتک برنده بر دنیقه کندی عالنه چکیلوب حیاتک حال سکوندن،

ذوق معصومانه سندن استفاده ایدمه ک قابلیت قلامش. انلرک نومی، یقظه سی، سکونی، حرکتی بجه تقدیر ماهیتی ممکن اولیان برحالت دیگر! ایشه بن پاریسی بویله کوردیم، بویله بولدم.

فی الحقیقه بولونیا اورمانی، ورسای بقیچه سی وسائر کبی پرلر بدرجه یه قدر فکره سکون وریور. فقط بنم کی تکلف دشمنی، ساده لک عاشقی اولان کیسه لر امینم که او مکلف، او مزین پرلرده آرادقلری بوله مازلر. کوریلن هرشی، دنیالر قدر مساعینک محضولی اولدیغندن انلرک وجوده کتورلسی ایچون صرف ایدیلن قوتلرک کافه سی اثرلرینک باشی اوجنده بکله یورلر، سیر ایدنلردن تماشا اجرقتی ایسته یورلر. دائماً: امان یاربی انسان الی دکدک، انک لباس تصرفی کیدک برشی یوقی؟ بر لحظه باقیعه ده کندیعه کلیم! دیر بو امنیه ایله درت طرفه کوز کزدریر ایدم. افسوس که سماندن بشقه بریر بوله ماز ایدم. شو آرائق هرکس بر طرفه صاووشمش. زیرا بو موسمه یارسک هوایی، هوا دکل، سم قاتل؛ صوینه کانجه انک ایچون تعیر بوله ماز. حمد اولسون برکره دن زیاده ایچمک نصیب اولدی. استانبولده صوبی ایچمکدن صکره جناب حقه حمد ایدر ایدم. بوراده دائماً امر برعکس ایدی. بو هوای سم آلودک تأثیرندن اولی، کلدیکمک اوجنچی کونی وجودمه بر قریقلق حس ایدم، اشتها دن اثر قالدی. قوه معنویه منکسر اولدی. باقدم که اوله جق شی دکل! بدرلو ییلدیزمک باریشه مدینی اوفاجره جهان آشنادن مفارقته قرار ویردم و او کونک «پانته اون» زیارتی او اقشام او پرائک تماشاسیله «تویج» ایدره رک (پارلرک بنده تولید ایتدیکی حالاتی ایلریده آریجه یازه جنم) ایرتسی صالی کونی جنورده متوجها پارسدن مفارقت ایدم.

پارسمه جنوره یه :

«بورنووی» استاسیونتی کچنجه دنیا ایله آشنا جیقمه، اوخ یازی دنیا وار ایش دیمک، کنیش کنیش نفس آلفه باشلادم. جنوره یه کچنجه یه قدر کوردیکم مناظر، فوق العاده ادلیف ایدی. او لطافتک تصویرنی شاعرلر مزه برافه لم. بنم نظر حیرتمی جلب ایدن شی مارسیلیا - پارس طریق کی اورالرده اکیلیمک بر قاریش پر اولماسی ایدی. حصیر شاقه لی، مائی یانطولونلی کویلیلرک ترلارده، بقیچه لرده چالشدقلری کوردیکه ایچم آجیلیور ایدی. بر کیجه اول او پراده کوردیکم موسیولری کوزمک اوکنه کتیردم. بو ایکی منظره پیننده نه عظیم تضاد وار ایدی. هله او پراده برزنجی کوردیم. تووالتی هان بیاضلرک کافه سنه فائق ایدی. سینلیر شاقه سنه، شاقه سنک ذیل متممی اولان چهره سنه باقدیجه «ظلمات بعضها فوق بعض» قول کریمنی تکرارده مضطر قالدیم. او کوزلرلی کوردیکه، او جید هوایی تنفس ایتدیکه رنگم یرینه، عظم باشمه کلکه باشلادی. طاغلرله، نهرلرله، آغاجلرله، چیچکلرله حسب حاله باشلادم. اقشام سکزه چاریک قاله رق «ژان ژاق روسو» نک مولدی اولان جنوره یه کلدک.

جنوره ده :

طوغری «طان» کولنک کنارنده کاش «اوتلده برغ» ایدم. کوله ناظر بر اوطه کوستردیلر؛ بخره دن باقدم: کاشاته اخلاق درسی ورن، فقط جوجغنی دوغاردوغماز کوپک یاوروسی کی سوقاغه آمان او خرچین، اخلاقسز فیلسوفک اسمنی، طونجیدن هیکنی طاشیان آطه جق کوزمه ایلشیدی. بر آرز استراحتدن صکره اوتلدن جیقدم. شهرک هر طرفنی طولاشدم. سوقاقلر، شهر غایت تمیز ودلشین ایدی. آرتق غیر اختیاری ایشه بر انسان مملکتی دیدم. وبوسوزی سویلرکن پاریسی کوزمک اوکنه کتیردم، اکا خطاب ایدم. دها اورته لقی قارارمه دن سوقاقلر، کوپرلر، مغازملر بر کتله نورحالی آلمش؛ کویا که بر محبوبه دلارا سراپا پرلانطه لرله دونامش ایدی. آم او اکثرینی لامبه لری نه زمان بزم مملکته ده کیره ک! معلوم یا جنوره شیری قیوجیلیق وساعتجیاک صنعتلری، مینا کاری معمولاتی ایله مشهوردر. انسان بدرلو مغازه لرک اوکدن آریله میور. نه کردانقلر، نه بروشلر، نه یوزوکلر، نه مینا کاری ساعتلر، مدالیونلر، نه قوطیلر یا میشلر! انسانک باقدیجه باقیجه، دپنی آلاجنی کلیور.